



Pranimi / Datozuar Received/Produato		04.04.2023		3		viti god year	
Organ /Njësia Organ /Jedinstvo Org./Unit	Dr./Prot Dr./Prot Prof.No	Shojta e Prilog Appendix		Sasia Kolicina Quantity			
SKMSTDK		3300/2023		114			



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.348/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Arben Mehmeti-kryetar, Malsore Gashi-Bajraktari dhe Ardita Haxhnikaj Demi-anëtarë, me Flakron Gashi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.348/2023 të datës 10.02.2023 të parashtruar nga ankuesi kundër organit të punësimit Ministria e Punëve të Brendshme-Agjencia e Regjistrimit Civil në çështjen juridike "vlerësim i rezultateve në punë-2022", duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3, nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 04.04.2023, mori këtë:

V E N D I M

- I. Refuzohet si e pabazuar ankesa me numër A.nr.348/2023 e datës 10.02.2023 e parashtruar nga ankuesi
- II. Mbetet ne fuqi Formulari për Vlerësimin e Rezultateve në Punë i datës 20.01.2023 lidhur me notën e përgjithshme të vlerësimit për ankuesin për vitin 2022.

A r s y e t i m

Ankuesi, sipas shkresave të lëndës i punësuar në Ministrinë e Punëve të Brendshme-Agjencinë e Regjistrimit Civil, Drejtorati për Pajisje me Dokumente në Komunën e Gjakovës, i pakënaqur me vlerësimin e rezultateve në punë, më datë 20.01.2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, e cila është protokolluar me numër:1674/2023 nën shenjë A.nr.348/2023, kundër Formularit për Vlerësimin e Punës të datës 20.01.2023.

Ankuesi në ankesën e parashtruar në Këshill pretendon se vlerësimi i bërë nga udhëheqësi i tij i drejtpërdrejt është në kundërshtim me gjendjen faktike ngase meriton notë me të lartë të

vlerësimit si dhe vlerësimi i bërë është në kundërshtim me Rregulloren Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimit Publik.

Këshilli i Pavarur Mbikëqyrës për Shërbimin Civil i Kosovës me datë 22.02.2022 ka proceduar kërkesën për përgjigje në ankesën e ankueses në Agjencinë e Regjistrimit Civil, Drejtorati për Pajisje me Dokumente, ndërsa kjo e fundit me datë 20.03.2023 ka përcjellë dokumentacionin e kërkuar me shkresat e bashkangjitura të lëndës.

Kolegji për Shqyrtimin dhe Vendosjen e Ankesave me rastin e shqyrtimit të kësaj ankese ka administruar këto prova: Ankesën e ankueses të datës 10.02.2023 me Nr.Prot:1674/2023 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; E-mail i dërguar nga M.Th drejtuar A.M e datës 19.01.2023; E-mail i dërguar nga MPB drejtuar A.M e datës 20.01.2023; Vendim i lëshuar nga Ministria e Punëve të Brendshme me numër 02 e datës 14.10.2022; Formulari për vlerësimin e rezultateve në punë e datës 20.01.2023; Kërkesa për përgjigje në ankesë e datës 22.02.2023; E-mailin e dërguar nga V.D drejtuar KPMSHCK e datës 20.03.2023; Ndryshim i akt emërimit me numër 602 i datës 02.10.2015; Formulari për vlerësimin e rezultateve në punë e datës 11.01.2022; Akt emërimi i datës 31.01.2013; Përshkrimi i detyrave të punës; i datës 257.02.2014; Përgjigja në ankesë e datës 20.03.2023; E-mail i dërguar nga V.D drejtuar KPMSHCK e datës 20.03.2023; E-mail i dërguar nga M.Th drejtuar A.M e datës 08.11.2022; E-mail i dërguar nga M.Th drejtuar A.M e datës 09.11.2022; Pagesë e faturave me rastin e pensionimit të Udhëheqësit të QPD e datës 07.11.2022; Email i dërguar nga M.TH drejtuar B.C e datës 17.11.2022; Njoftim me nr.prot.3808 i datës 16.11.2022; Sqarim me nr.prot.3827 i datës 16.11.2022; Shkresë (e palexueshme) e datës 16.11.2022; Sqarim me nr.prot.3840 i datës 17.11.2022; Shkresë me nr.prot.3845 e datës 17.11.2022; Sqarim me numër 3829 i datës 16.11.2022; Njoftim me nr.prot.3841 i datës 17.11.2022; E-mail i dërguar nga M.Th drejtuar A.M e datës 08.11.2022; Fletëtransferi i datës 31.10.2022; E-mail i dërguar nga M.Th drejtuar A.M e datës 18.10.2022.

Kolegji për Shqyrtimin dhe Vendosjen e Ankesave, për vendosjen e kësaj çështje ka shqyrtuar të gjitha shkresat e lëndës të parashtruara nga palët në procedurë dhe ka konstatuar se ankesa e ankuesit është e *pabazuar*, sepse:

Kolegji për Shqyrtimin dhe Vendosjen e Ankesave në bazë të shkresave të lëndës ka konstatuar se ankuesi sipas ndryshimit të aktit të emërimit të datës 02.10.2015 mbanë pozitën "Zyrtar i regjistrimit në Qendrën për Pajisje me Dokumente në Gjakovë" në Agjencinë e Regjistrimit Civil/MPB, kurse përmes vendimit me numër 1312/2022 të datës 14.10.2022 ankuesi është caktuar "Zëvendësues i Udhëheqësit të Qendrës për Pajisje me Dokumente në Gjakovë", Drejtorati për Pajisje me Dokumente, Agjencia e Regjistrimit Civil/MPB, ndërsa udhëheqësi i ti i drejtpërdrejtë përmes Formularit të Vlerësimit të Rezultateve në Punë i datës 20.01.2023 ankuesin e ka vlerësuar me notën e përgjithshme mesatare dy pikë tetëdhjetëtetë (2.88) për vitin 2022, mirëpo i njëjti kishte shpreh kundërshtimin lidhur me vlerësimin e rezultateve në punë përmes komentit në Formularin e Vlerësimit duke mos u pajtuar me vlerësim.

Me qëllim të shqyrtimit të pretendimeve ankimore të ankuesit sa i përket notës së përgjithshme të vlerësimit, Kolegji i Këshillit ka analizuar dispozitat e Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimit Publik



nenin 11 paragrafi 1 nën paragrafi 1.4 ku përcaktohet se: "Objektivat dhe sjelljet profesionale do të vlerësohen me nota nga 1 deri në 5. Rezultati përfundimtar i vlerësimit llogaritet në bazë të mesatares së marrë dhe paraqitur si në vijim: 1.3. nga 2.5 deri më pak se 3.5 nënkupton "mirë" dhe ndërlidhur me paragrafin 2 nën paragrafin 2.3 i të njëjtit nen dhe rregullore ku përcaktohet se: " Kuptimi i notave si në paragrafin 1 të këtij neni është si në vijim: "mirë", vlerësohet nëpunësi, i cili ka realizuar të gjitha objektivat e punës, dhe ka treguar aftësi të pritshme të punës, prandaj marrë për bazë Formularin për Vlerësimin e Rezultateve në Punë për ankuesin i datës 20.01.2023 përmes të cilës ankuesi ishte vlerësuar me notë të përgjithshme mesatare dy pikë tetëdhjetëtetë (2.88), Kolegji i Këshillit arrin në përfundimin se ankuesi është vlerësuar "mirë" në kuptim të dispozitave të lartcekura të rregullores, nga rrjedh se i njëjti ka realizuar të gjitha objektivat e punës dhe ka treguar aftësi të pritshme të punës, andaj mbi këtë bazë pretendimi ankimor i ankuesit i paraqitur në ankesën e datës 10.02.2023 të parashtruar në Këshill është i pabazuar, ngase udhëheqësi i tij i drejtpërdrejtë nuk ia ka mohuar përkushtimin në punë sikurse as realizimin e të gjitha objektivave.

Po ashtu, Kolegji i Këshillit vlerëson se është për tu theksuar fakti se ankuesi formularin e datës 20.01.2023 përmes të cilit ishte vlerësuar me notë të përgjithshme dy pikë tetëdhjetë e tetë (2.88) e ka nënshkruar me datë 24.01.2023 me vërejtje se vlerësimi ka qenë subjektiv i bazuar në antipati dhe jo në ligj, po ashtu se të gjitha objektivat janë përmbushur plotësisht.

Prandaj, nga analizimi i shkresave të lëndës, shqyrtimit të pretendimeve ankimore të ankuesit sikurse edhe konstatimeve të dhëna si në arsyetimin e këtij vendimi, në vlerësimin e Kolegjit të Këshillit, udhëheqësi i drejtpërdrejtë i ankuesit me rastin e vlerësimit të ankuesit me notën e përgjithshme mesatare "dy pikë tetëdhjetë e tetë (2.88)- mirë" e që në kuptim të Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimit Publik vlerësohet se i njëjti ka realizuar të gjitha objektivat e punës, dhe ka treguar aftësi të pritshme të punës, ndërsa ankuesi nuk ka mundur të mbështes pretendimet e tij ankimore se i njëjti është dashur të vlerësohet me notë më të lartë e që në kuptim rregullores së lartcekur pas notës së vlerësimit të ankuesit është nota "shumë mirë" me të cilën mund të vlerësohet nëpunësi civil i cili jo vetëm që ka realizuar të gjitha objektivat e punës, por ka treguar gjithashtu aftësi të punës që tejkalojnë pritjet si dhe ka kontribuar në realizimin e objektivave dhe performancën e përgjithshme të institucionit, andaj mbi këtë bazë pretendimi ankimor i ankuesit i paraqitur në ankesën e datës 10.02.2023 të parashtruar në Këshill është i pabazuar, ngase argumentet e tij nuk janë bindëse se i njëjti ka ndikuar në performancën e përgjithshme të institucionit.

Lidhur me pretendimin e ankuesit sa i përket kontestimit të objektivit të përcaktuar në numrin rendor një (1) për të cilën është vlerësuar me notën e vlerësimit dy (2) i cili është i përcaktuar si në vijim: "Zbatimi i ligjeve dhe akteve nënligjore", ka gjetur se udhëheqësi i drejtpërdrejtë i ankuesit përmes e-maileve e datës 08.11.2022 dhe 09.11.2022 ka njoftuar ankuesin që të veproj sipas udhëzimit administrativ lidhur me procedurën e përshpejtuar për pajisjen me pasaporta duke marrë parasysh mungesën e materialit, mirëpo i njëjti në disa raste kishte vazhduar me procesimin e kërkesave për përgatitjen e dokumentacionit sipas procedurës së shpejtë, veprim ky i cili është konfirmuar te mos përsërit edhe nga U.D.i Drejtorit të Drejtoratit për Prodhimin e Dokumenteve sipas e-mailit të datës 08.11.2022, andaj mbi këtë bazë si dhe konstatimeve të dhëna si më lartë Kolegji i Këshillit konstaton se ankesa e ankuesit është e pabazuar sikurse e njëjta është refuzuar si në dispozitiv të këtij vendimi, ndërsa vlerësimi i rezultateve të punës së

ankuesit për vitin 2022 të konkretizuara përmes formularit të datës 20.01.2023 është vlerësim i drejtë dhe i ligjshëm ngase udhëheqësi i drejtpërdrejtë i ankuesit ka vepruar në pajtueshmëri me nenin 3 paragrafi 1 nën paragrafi 1.1 si dhe nenin 7 të së njëjtës rregullore, pasi që i njëjti është vlerësuar edhe për arritjen e objektivave sikurse edhe për sjelljet profesionale dhe kështu formulari i vlerësimit i datës 20.01.2023 ka mbetur në fuqi sikurse në dispozitiv të këtij vendimi.

Andaj, pas shqyrtimit të shkresave të lëndës si dhe duke u bazuar në nenin 6 paragrafin 1 nën paragrafin 1.1, nenin 16 paragrafi 3, nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda, A.nr.348/2023, datë 04/04/2023

Elakron GASHI

Zyrtar i Lartë për Bashkëpunim Profesional

Arben MEHMETI

Kryetar i Kolegjit



Vendimi i dërgohet:

- Ankuesit
- Drejtorit të Përgjithshëm në Agjencinë e Regjistrimit Civil-MPB
- Udhëheqësit të Njesisë së Burimeve Njerëzore në Ministrinë e Punëve të Brendshme dhe
- Arkivit të KPMSHCK-së.

